

HOLY SEE PRESS OFFICE
OFICINA DE PRENSA DE LA SANTA SEDE



BUREAU DE PRESSE DU SAINT-SIEGE
PRESSEAMT DES HEILIGEN STUHLIS

BOLLETTINO

SALA STAMPA DELLA SANTA SEDE

N. 230805a

Saturday 05.08.2023

Letter of the Holy Father to the Special Envoy to the celebration of the Third Centenary of the Coronation of the Image of Our Lady, Queen of Podlasie-Mother of Unity (Shrine of Kodeń, Siedlce, Poland)

His Eminence Cardinal Stanisław Dziwisz, archbishop emeritus of Krakow, was appointed in 17 June 2023 as special envoy to the celebration of the third centenary of the Coronation of the Image of Our Lady, Queen of Podlasie-Mother of Unity, to be held at the diocesan shrine of Kodeń (diocese of Siedlce) on 15 August 2023.

The special envoy will be accompanied by a pontifical mission composed of the following ecclesiastics:

- 1) The Reverend Jan Babik, chancellor of the diocesan Curia of Siedlce;
- 2) The Reverend Fr. Józef Czernecki, O.M.I., provincial bursar of the Congregation of Missionary Oblates of Mary Immaculate.

The following is the Holy Father's letter to the special envoy:

Letter of the Holy Father

Venerabili Fratri Nostro

STANISLAO S.R.E. Cardinali DZIWISZ

Archiepiscopo emerito Cracoviensi

Beatissimae Dei Genetrici Virgini Mariae dicata templa mirandum in modum toto in terrarum orbe eminent itidemque refulgent religiosissima et augusta, quae divinis consecrata mysteriis, ac tot nobilitata miraculis, totque populorum concursu frequentiaque celebrata, sub tutum praesidium necnon sub mantellum Redemptoris Matris

filios Dei, renatos in baptismatis fonte, unanimiter congregant. Ibi enim colitur illa tantopere dilecta a Deo ancilla atque discipula, quae pro Dei filiis intercedens ad singulare commercium cum unigenito Filio ducit, ita “ut omnes unum sint” (Io 17,21) et hoc modo Ecclesiam tamquam vivum corpus Domini aedificent.

Novimus autem ex litteris Venerabilis Fratris Casimiri Gurda, Episcopi Siedlecensis, celebrem imaginem *Dominae Nostrae Reginae Podlachiae-Matris unitatis*, quae in dioecesi Siedlecensi in vico v.d. *Kodeń* colitur, novis coronis, a Nobismet Ipsi in Urbe die III mensis Augusti praeteriti anni benedictis, decoraturum iri, ut trecentessimum anniversarium illius devoti actus incoronationis, qui eodem die anno MDCCXXIII evenit, rite pieque celebretur. Quapropter memoratus Praesul humanissime quaesivit ad sollemniorum efficiendum hunc ritum magisque honorandam Deiparam Virginem Mariam, ut Nos Patrem Purpuratum eligeremus, qui apud hoc Sanctuarium inter Missarum sollemnia personam Nostram gereret. Te quidem, Venerabilis Frater Noster, qui multos per annos Nobis praestas auxilium, sicut potissime olim Nostro sancto Praedecessori, tam a Poloniae populo enixe dilecto papae Ioanni Paulo II, ad dictum eventum fidenter destinamus. Itaque hisce Litteris **Missum Extraordinarium Nostrum** te nominamus ad memoratum iubilaeum, proxima die XV mensis Augusti in Basilica Minore, eodemque tempore Sanctuario, *Dominae Nostrae Reginae Podlachiae-Matris unitatis*, in vico v.d. *Kodeń*, sollemni modo explendum.

Liturgicis ritibus praesidens Nostram benignam istic adstantibus significabis salutationem, praesertim Siedlecensi Pastori itidemque omnibus Fratribus in episcopatu, sodalibus Congregationis Missionariorum Oblatorum B.M.V. Immaculatae ibi diligenter pastorale ministerium exercentibus, presbyteris, diaconis, cunctis vitae consecratae membris et christifidelibus laicis. Omnes deinde congregatos ferventer hortaberis ut Beatissimam Mariam Virginem piissime colant in corde habentes sinceram ac veram unitatem quae decet fideles, qui in Domino unum corpus mysticum et unam animam habere clamantur.

Nos profecto tuam missionem precibus comitabimur, dum iam nunc enixe te, Venerabilis Frater Noster, committimus amantissimae tutelae Sanctissimae Dei Genetricis Mariae eiusque Sponsi sancti Ioseph, etiam patronorum illius dioecesis sanctorum scilicet Simonis et Iudae Thaddaei, apostolorum, et sancti Iosaphat, apostoli unitatis. Nostram denique Benedictionem prolixè tibi imprimis elargimur, cum omnibus ad quos nunc mitteris communicandam, vicissim pro gravi Nostro Petrino ministerio exercendo preces postulantes.

Ex Aedibus Vaticanis, die XVII mensis Iulii, anno MMXXIII, Pontificatus Nostri undecimo.

FRANCISCUS
